

Morning Dogri (NSD) National News Bulletin 21-10-2024

आकाशवाणी

1. प्रधानमंत्री नरेन्द्र मोदी होर अज्ज नमीं दिल्ली च एनडीटीवी वर्ल्ड समिट 2024 “द इंडिया कैचुरी” गी संबोधत करगंन।
2. महाराष्ट्र विधानसभा चुनां गी दिक्खदे होई बीजेपी नै अपने मेदवारें दी पैहली सूचि जारी कीती।
3. जम्मू कश्मीर विधानसभा दे नमें चुनोए दे विधायक अज्ज श्रीनगर च सगंध चुक्कगंन।
4. कर्मचारी भविक्ख निधि संगठन नै 18 लक्ख 53 ज्हार नमें मिंबर जोड़े। रोजगार दे बघदे मौके करी आया उछाल।
5. मालदीप दे राष्ट्रपति मोहम्मद मुइलू होरें भारत दे एकीकृत भुगतान प्रणाली गी मालदीप च शुरू करने दा फैसला लैता ऐ।
6. क्रिकेट च न्यूजीलैंड नै बेंगलुरु च खेड्डे गेदे पैहले टैस्ट मैच च भारत गी 8एं विकटें कन्नै हराया।

<><><><><><>

PM World Summit

प्रधानमंत्री नरेन्द्र मोदी होर अज्ज नमीं दिल्ली च एनडीटीवी दे विश्व सम्मेलन 2024 गी संबोधत करगंन। अपनी इक सोशल मीडिया पोस्ट च मोदी होरें आखेआ जे ओह अज्ज 10 बजे होने आले इक सम्मेलन गी संबोधत करने लेई उत्सुक न। प्रधानमंत्री होरें आखेआ जे भारत दी विकास यात्रा कन्नै जकीनी तौर पर दुनिया दा ध्यान अपनी भेठा आकर्षित कीता ऐ जे युवा शक्ति, मुख गी नमिएं उंचाइएं पर लेइयै जा'रदी ऐ। उनें आखेआ जे ओह अपने संबोधन च भारत दी प्रमुख उपलब्धिएं पर लोह पांगन ते साफ करगंन जे दुनिया भरै च भारत आकर्षण दा केन्द्र कीह बना'रदा ऐ। उंदे संबोधन च 2047 तगर भारत गी विकसित मुख बनाने ते 2030–31 तगर मुला गी त्रीह सब्बने शा बड्डी अर्थबवस्था बनाने दे लक्ष्य बी शामिल कीते जाने दी संभावना ऐ। सम्मेलन च होरने नेताएं दे अलावा भूटान दे प्रधानमंत्री, बारवाडोस दे प्रधानमंत्री ते बरतानिया दे साबका प्रधानमंत्री बी अपने बचार सांझा करगंन।



Maharashtra Election

महाराष्ट्र च विधानसभा चुनाएं गी दिखदे होई राजनीतिक गतिविधियां तेज होई गेइयां न। चुनां दी अधिसूचना कल जारी कीती जाग। 29 अक्टूबर तगर नामांकन दाखल कीतेजाई सकदे न। बीजेपी नै 99 मेदवारें दी पैहली सूचि जारी करी दितती ऐ। बीजेपी नै महाराष्ट्र दे उपमुख्यमंत्री देवेन्द्र फन्दविस होरें गी नागपुर दक्खन पच्छम विधानसभा सीट थमां मेदवार बनाया ऐ। चन्द्रशेखर बावनकुले होर कमार्थी थमां चुनां लड़गंन। गरीश महाजन होर जेमनर थमां चुनां लड़गंन। एह्दे इलावा पार्टी नै अशीष शेलई होरें गी वान्द्रे वैस्ट, मंगल प्रीात होर मलादार हिज, राहुल नरवेकर कोलाबा थमां ते शीजेया अशोक चव्हान होर भोखर विधानसभा हल्के थमां चुनां लड़गंन।



Jharkand

झारखंड च राष्ट्रीय जनतांत्रिक गठबंधन एनडीए दी सैहयोगी पार्टी ऑल झारखंड स्टूडेंटस यूनियन एजेएसयू नै विधानसभा चुनां आस्तै पैहली सूचि जारी करी दित्ती ऐ। पार्टी प्रमुख सुदेश कुमार महतो सिल्ली निर्वाचन क्षेत्र थमां जिसले के वरिष्ठ नेता लंगोदर महतो गोमिया विधानसभा सीट थमां चुनां लड़गंन। एनडीए दे सीटें दे बअवारे मूजब एजेएसयू 10 सीटें पर, जनता दल यूनाइटेड 2 ते चिराग पासवान हुंदी अगुआई आली लोक जनशक्ति पार्टी राम विलास इक सीट पर चुनां लड़ोग। जिसलै कि बीजेपी बाकी 68 सीटें पर अपने मेदवारें गी तोआरोग। 81 सदस्यीय झारखंड विधानसभा आस्तै चुनां 2 गेड़े च 13 ते 20 नवम्बर गी होग। वोटें दी गिनतरी 23 नवम्बर गी कीती जाग।



RJD

राष्ट्रीय जनता दल आरजेडी मगरा हुन सीपीआई-एम नै बी इंडी ब्लौक दे सैहयोगिएं बशकार सीटें दे बटवारे पर सख्त नाराजगी जाहर कीती ऐ। दौनें पार्टिएं झारखंड मुक्ति मोर्चा गी अज्ज 11 बजे तगर उंदियां मंगा पूरिया करने दा समां दित्ता ऐ। उंदा आखना ऐ ले नेई तां

ओह कोई बी फैसला लेने लेई आजाद न। सीटें दे बटवारे मूजब 70 सीटां झारखंड मुक्ति मोर्चा ते कांग्रेस गी जिसलै कि 11 सीटां आरजेडी ते सीपीआई—एम गी दित्तियां गेइयां।

<><><><><><>

Russia FM

रूस दे विदेश मंत्री होरें आखेआ जे संयुक्त राष्ट्र सुरक्षा परिषद च भारत, ब्राजील ते अफ्रीकी मुल्खें गी स्थाई प्रतिनिधित्व थहोना लोडचदा। लोरीफ होरें एह ब्यान रूस दी सरकारी समाचारअजेंसी तास कन्नै इक इंटरव्यू च दित्ता। पिछले म्हीने होइ संयुक्त राष्ट्र महासभा दी आम सभा च ब्रिटिश दे प्रधानमंत्री होरें परिष्कृत सुरक्षा परिषद च भारत लेई स्थाई सदस्यता दे कन्नै गै ब्राजील, जापान, जर्मनी दे अफ्रीकी देसें दे स्थाई प्रतिनिधित्व दी पुरजोर समर्थन कीता हा।

<><><><><><>

JK Oath

जम्मू कश्मीर विधानसभा लेई नमें चनोए दे विधायकें गी अज्ज श्रीनगर च सगंध चुकाई जाग। प्रोटेम स्पीकर मुबारक गुल होर सदन दे सब्बनें बूबिरें गी सगंध चुकागंन। शपथ ग्रेहण समारोह दिने 2 बजे शुरू होग। 90 मिंबरी विधानसभा च ऐकती 51 मिंबर पैहली बारी चुने गे न, बीजेपी दी 29 ब'रे दी शगुन परिहार जिलें थमां चुनां जित्तेआ ऐ ओह सब्बने शा लौहकी उमरी दी विधायक बनिया न जिसलै जे नैशनल कांफ्रेंस दे चरार—ए—शरीफ सीट परा जित्तिथै आए दे 80 ब'रें दे अब्दुल रहीम राथर सब्बने शा बड्डी उमर दे विधायक बने न। नैशनल कांफ्रेंस दे गै अली मोहम्मद सागर ते अब्दुल रहीम राथर दऊं ऐसे विधायक न जेह्डे रिकार्ड 7मीं बारी चुनां जित्ते न। सागर होर 1983 थमां विधानसभा दे मिंबर न जिसलै जे राथर होर 1977 थमां चुनोदे आए न। 10एं ब'रे दे वक्फे दे बाद होए दे इनें विधानसभा चुनाएं च नैशनल कांफ्रेंस नै 42, बीजेपी नै 29, कांग्रेस नै 6 ते पीडीपी 3 सीटें पर जित्त हासल कीती ऐ। एहदे इलावा आम आदमी पार्टी ने 1, अवामी, इत्तेहाद पार्टी नै बी 1, मार्क्सवादी कम्युनिस्ट पार्टी 1 ते जम्मू कश्मीर पीपल्स कांफ्रेंस बी 1 सीट हासल करने च कामयाब रेह जिसलै जे 7 अजाद मेदवार बी जेतू घोशत कीते गे न।

<><><><><><>

EPFO

कर्मचारी भविष्य निधि संगठन ईपीएफओ नै इस ब'रे अगस्त म्हीने च 9 लख 30 जहार नमें मिंबर अपने कन्नै जोड़े न। जिंदे चा 8 लख 57 जहार महिलां न। श्रम ते रोजगार मंत्रालय नै आखेआ ऐ जे संगठन कन्नै इस ब'रे कुल रलाइयै अजें तोड़ी 18 लख 53 जहार मिंबर जुड़े न। मंत्रालय नै आखेआ ऐ नमें लोकें दे ईपीएफओ कन्नै दर्ज होने दर श्रेय बधदे मौके, कर्मचारिएं गी थ्होने आले फायदे दे बारे च बधदी जागरूकता, संगठन दी लोकें तगर कामयाब पुज्ज गी जंदा ऐ जिंदे कारण लोक एहदे कन्नै जुड़े करदे न।



Maldivian

मालदीप दे राष्ट्रपति मोहम्मद मुइजू होरें अपने मुख्य च भारत दे एकीकृत भुगतान इंटरफेस यूपीआई शुरू करने दा फैसला कीता ऐ। राष्ट्रपति हुदे दफ्तर आस्सेआ घोषणा कीती गई ऐ जे कैबिनेट दी सफारशें मगरा एह फैसला लैता गोआ ऐ। इस गैह कन्नै माली समावेश च बाद्धा, माली लैन देनदी कुशलता च सुधार ते डिजीटल बुनियादी ढांचे च बाद्धे सनें मालदीप दी अर्थबवस्था गी महत्वपूर्ण लाह थ्होने दी मेद ऐ। मालदीप च यूपीआई सुविधा लागू होने मगराभारतीय सैलानी बिजन समस्या दे यूपीआई सक्षम ऐप थमां भारतीय रपे च लैन देन करी सकगंन। राष्ट्रपति होरें इस सरबंधा च मालदीप च यूपीआई शुरू करने आस्तै इक कसोर्टियमकायम करने दा फैसला लैता। उनें एह बी सुझाह दित्ता ऐ जे मुख्य च कम्म करा'रदे बैंकें, दूर संचार कंपनिएं ते फीनटैक कंपनिएं गी एहदे च शामिल कीता जाना लोड़चदा।



Cricket

भारत ते न्यूजीलैंड बश्कार बैंगलुरु दे एम.चिनास्वामी स्टेडियम च खेड्डे गोदे पैहले टैस्ट मैच च न्यूजीलैंड नै भारत गी 8एं विकटें कन्नै हराई दित्ता। पैहले बल्लेबाजी करदे होई भारत नै न्यूजीलैंड गी 462 रंज बनाए। भारत नै न्यूजीलैंड गी 107 रंजें दा लक्ष्य दित्ता ते न्यूजीलैंड नै 28 ओवरें च एह लक्ष्य 2 विकटें दे नुक्सान च हासल करी लैता।



T-20 Women

महिला टी-20 क्रिकेट विश्व कप दे कल रातीं दुबई च खेड्डे गेदे फाइनल मकाबले च न्यूजीलैंड नै दक्खन अफ्रीका गी 32 रंज कन्नै हराइयै खताब आने नां करी लैता। पैहले बल्लेबाजी करदे होई न्यूजीलैंड दी टीम नै दक्खन अफ्रीका दे सामने जित्त लेई 159 रंज दा लक्ष्य रखेआ जेहदे परते च दक्खन अफ्रीका दी टीम पूरे 20 ओवरें खेड्डियै बी 9 विकटें दे नुक्सान पर 126 रंज गै बनाई सकी।



Army Mendhar

फौज नै हाल च गै पुंछ दे मेंढर इलाके दे पहाड़ी मैदान च इक एथलैटिक मीट दा आयोजन कीता ऐ, जेहदा मकसद मकामी नोजवानें गी सशक्त बनाना ते पीर पंजाल खेत्तर च खेड्डें गी बढ़ावा देना ऐ। एह आयोजन ना छड़ा एथलैटिक हुनर गी प्रदर्शित करने दा इक मंच गै नेई सगुआं युवा पीढ़ी गी शारीरिक गतिविधिं ते खेड्डें आली बक्खी बढ़ावा देने लेई बड्डी पैहलकदमी बी ऐ। इस एथलैटिक मीट च 100 थमां बद्ध प्रतिभागिं हिस्सा लैता। एहदे च मती गिनतरी च कुडिं बी शामिल हियां जेहछी भारतीय फौज दी खेड्डें प्रति प्रतिबद्धता गी दर्शादी ऐ।

